


Ársskýrsla

Framkvæmdaráðs Pírata



2019-2020

Aðalfundur Pírata 2020

26. og 27 september 2020

<http://piratar.is/adalfundur2020/>

Skýrsla framkvæmdaráðs starfsárið 2019-2020

Framkvæmdaráð 2019-2020

Þann 31. september 2019 á aðalfundi Pírata var kosið í fjögur laus sæti í framkvæmdaráð. Í ráðið hlutu kosningu þau Arnar Guðmundsson (var endurkjörinn), Björn Þór Jóhannesson, Gamithra Marga og Hrannar Jónsson. Þau Jóhannes Jónsson og Úlfhildur Stefánsdóttir hlutu kjör skv. slembivali.

Fyrir í ráðinu á seinna ári kjörtímabils voru þau Elín Ýr Arnar Hafðísardóttir, Rúnar Björn Herrera Þorkelsson, Unnar Þór Sæmundsson og Valgerður Árnadóttir. Elín Ýr sagði sig úr ráðinu á árinu.

Á fyrsta fundi sínum skipti framkvæmdaráð með sér verkum og Guðmundur Arnar var kjörinn formaður, Björn Þór gjaldkeri, Valgerður ritari og Gamithra alþjóðafulltrúi.

Málefnafundir og félagsfundir

Á haustmánuðum 2019 og fram í febrúar 2020 var föstudagskaffi í Tortúga þar sem félagsfólki gafst kostur á að hittast og spjalla um hin ýmsu málefni sem brunnu á þeim en leggja þurfti föstudagskaffi niður þegar covid-19 faraldurinn brast á.

Félagsfundir voru haldnir um hin ýmsu málefni eins og:

Tæpitungulaust um tjáningarfrelsið, Málþing um fiskeldi á Íslandi, Lagabreytingar hjá Pírötum, Auðlindaákvæði stjórnarskrár, Aðlögun að loftslagsbreytingum, málþingið Spillingarsögur; Hversu víðtæk er spilling hér á landi? Hvað veldur? Hvaða lausnir eigum við til úrbóta? Kortleggjum spillinguna!, Stefna um auðlindamál.

Sjálfbærnifélag Pírata boðaði til málefnafundar um loftslagsvá og samþykkti í kjölfarið ályktun um loftslagsaðlögun: <https://x.piratar.is/polity/1/issue/426/>

Vegna covid.-19 faraldursins voru ýmsir online viðburðir einnig eins og Heimsfaraldur-viðbrögð til framtíðar, Net-fundur um efnahagsstefnu Pírata, Páskasjónvarp, Jón Þór og Þórhildur Sunna í beinni, Tæknilæsi fyrir fullorðið fólk, sam-hangs á föstudögum í stað föstudagskaffis o.s.v.f.r.v.

Á sumarmánuðum voru Píratar eins og kýr að vori þrátt fyrir þá stereótýpisku mynd af þeim að þeim þyki netheimar og einvera góð, Við gátum loks hist, haldið sumargleði, gengið í Reykjadal og grillað saman. En gleðin var skammlíf og í ágúst var ljóst að seinni bylgja faraldursins væri mætt og var þá vikið frá þeim áformum að halda aðalfund í raunheimum og færa hann yfir á netið.

Formlegir vinnuhópar og ráð sem skipuð voru á árinu

Starfshópar um skipulagsbreytingar á strúktúr Pírata

Upphaf skipulagsbreytinga má rekja til reglulegra funda sem haldnir voru á haustmánuðum árið 2018. Þar komu saman kjörnir fulltrúar og meðlimir úr grasrót og ræddu skipulag á starfi flokksins. Til umræðu voru ýmiss konar vandamál sem telja mætti að byggðu á skipulagi flokksins og hvernig mætti vinna þeim bót. Við lok fundaraðarinnar samþykkti fundurinn ályktun um að stofnaður yrði starfshópur skipulagsbreytinga sem hefði eftirfarandi markmið:

1. Að móta heildstæðan strúktúr svo strúkturinn verði skýrari og að hlutverkum sérútbýtt að lýðræðislegan máta.
2. Leggja fram breytingartillögur á lögum flokksins í lok vinnu sinnar
3. Starfshópurinn er er hugsuð sem vinnueining sem hefur það hlutverk að útbúatillögur vegna lagabreytingartillagna og strúktúrs til aðalfundar.

Verksvið starfshópsins var nánar skilgreint svo:

1. Móta strúktúr utan um grasrótastarf og ferla Pírata [...]
2. Leggi fram tillögur og lagabreytingartillögur til aðalfundar til umræðu og tilkosningar um að vísa í kosningakerfið
3. Fara yfir vinnu sem hefur verið unnið varðandi strúktúr og lagabreytingar, þ.m.t. skýrslur starfsfólks, framkvæmdaráða, niðurstöður félagsfunda o.fl.
4. Nefndin sér ekki um að ákveða stefnuna heldur búa til tillögur sem lagðar eru fram á aðalfundi.

Framkvæmdaráð óskaði eftir áhugasömum til að taka þátt og samþykkti þau svo öll í starfshópinum. Hópurinn hóf störf 10. maí en í honum sátu Álfheiður Eymarsdóttir, Baldur Karl Magnússon, Dóra Björt Guðjónsdóttir, Eiríkur Rafn Rafnsson, Elín Ýr Arnar Hafðísardóttir, Helgi Hrafn Gunnarsson, Jason Steinþórsson, Jón Þór Ólafsson, Margrét Sigrún Þórólfsdóttir og Sunna Rós Víðisdóttir. Þó má nefna að ekki luku allir skipaðir fulltrúar störfum og hættu sumir þeirra á meðan hópurinn var að störfum. Á meðan hópurinn var að störfum var sérstaklega tekið fram um störf hans að opið skyldi vera fyrir tillögur frá félagsfólki og fullt gegnsæi tryggt um störf hans. Öll vinnuskjöl hópsins voru aðgengileg á opnu vefsvæði og þær tillögur sem bárust voru teknar með inn í tillögurnar eftir fremsta megni. Hópurinn lauk vinnu sinni og skilaði lagabreytingartillögum til skipuleggjenda aðalfundar í ágúst 2019.

Á aðalfundi Pírata fór fram Píratasmiðja þar sem hluti viðfangsefna fundarins snerist að skipulagsbreytingum innan Pírata. Skipuleggjendur aðalfundar tóku þær tillögur sem starfshópurinn sendi inn og skilgreindi á þeim grundvelli nokkur viðfangsefni sem voru eftirfarandi:

- Þáttaka og val
- Stefnumótun
- Félagar og félög

● Staðsetjum valdið

Undir hverjum lið voru á meðan fundinum stóð kynntar tillögur starfshópsins að einhverju marki. Sú kynning var framkvæmd af fundarstjórum sem voru á hverju borði þar sem til umræðu var eitt af áðurgreindum umfjöllunarefnum. Haldnar voru á hverju borði fundargerðir sem kynntar voru í lok aðalfundar. Þá voru fundargerðirnar færðar í eitt heildstætt skjal sem umsjónaraðili Píratasmiðjunnar, Oktavía Hrund Jónsdóttir, tók saman og kynnti síðar á félagsfundi. Á þeim sama fundi voru einnig kynntar allar tillögur starfshópsins sem starfaði til ágústmánaðar.

Þegar nýtt framkvæmdaráð kom saman eftir aðalfund 2019 fól það Snæbirni Brynjarssyni að leiða áfram vinnu við skipulagsbreytingar á grundvelli þeirrar vinnu sem hafði þegar farið fram. Í kjölfarið boðaði Snæbjörn til reglulegra vinnufunda og félagsfunda sem stóðu fram að árslokum ársins 2019 þar sem lokatillögur voru mótaðar á grundvelli þeirrar vinnu sem hafði þegar farið fram. Á meðan þetta starf stóð yfir fór fram samráð í gegnum samráðskerfið Your Priorities á www.yrpri.org þar sem rætt og kosið var um fyrirbyggjandi tillögur. Þær tillögur sem voru vinsælastar í samráðinu voru útfærðar í endanlegar tillögur. Lokaúrvinnsla lagabreytingartillagna fór fram í desember 2019.

Settar voru inn tillögur til lagabreytinga inn á x.piratar.is þar sem kosið var um fjármál Pírata, formann og breytingar á nefndum og ráðum Pírata. Eftir kosningar var tillagan um nefndir og ráð Pírata eina tillagan sem var samþykkt og mun verða kosið í nýju ráðin á aðalfundi 2020, í fyrsta sinn.

Vinnuhópur um kosningaeftirlit

Þann 10. September skipaði framkvæmdaráð Hákon Jóhannesson ábyrgðarmann vinnuhóps um kosningaeftirlit:

Alþingiskosningar 2021 eru í fullum undirbúningi en einn af þeim þáttum þar sem Píratar hafa skarað framúr í kosningabaráttu er kosningaeftirlit á kjörstað. Kosningaeftirlit er á ábyrgð umboðsmanna lista, en umboðsmenn Pírata hafa notið góðs stuðnings frá sjálfstæðum kjörgagnahópi. Til þess að tryggja skilvirkt kosningaeftirlit á öllum kjörstöðum þarf kosningaeftirlitshópurinn að vera skipaður Pírötum úr öllum kjördæmum. Hákon bauð fram krafta sína við skipulag kosningaeftirlitsins í komandi kosningum og mun byrja á að leita uppi áhugasama Pírata, en mun síðan leita til kjördæmaráða um að skipa í hópinn ef uppá vantar. Áhugasöm hafi samband við hakon.johannesson@gmail.com.

Mannauðsmál og mannauðshópur framkvæmdaráðs

Erla Hlynsdóttir framkvæmdastjóri sagði starfi sínu lausu í júlí 2019 eftir 2 ár í starfi. Það var eitt af fyrstu verkefnum nýs framkvæmdaráðs á haustmánuðum 2019 að ráða nýjan framkvæmdastjóra. Björn Þór, Valgerður og Hrannar úr framkvæmdaráði voru skipuð í mannauðshóp og Capacent ráðningastofa var fengin til að halda utanum ráðningaferlið, taka við umsóknum og raða þeim eftir hæfnismati sem mannauðshópur vann í samráði við þau og með mat sem þingflokkur Pírata hefur notað í sínum ráðningum með góðum árangri til hliðsjónar.

Eftir síur og viðtöl Capacent og svo mannauðshóps við hæfustu umsækjendur var það einróma samþykkt af framkvæmdaráði að Elsa Kristjánsdóttir væri hæfust í starfið og sem

betur fer þáði hún það. Elsa hóf störf að hluta í lok árs 2019 á meðan hún var að vinna uppsagnarfrest sinn hjá UN Women og kom til liðs við okkur að fullu í janúar 2020.

Við í framkvæmdaráði erum öll sammála um að ráða Elsu sé það besta sem við skiljum eftir okkur. Störf okkar hafa orðið talsvert auðveldari eftir að hún kom, við finnum að utanumhald og framkvæmd á öllum þeim fjölbreyttu verkefnum sem þarf að tækla í stjórnmalahreyfingu er í góðum höndum.

Aðildarfélög Pírata

Óvirk aðildarfélög

Aðalfundur Pírata 2019 ályktaði að framkvæmdaráð skyldi boða aðalfund í óvirkum aðildarfélögum til að annað hvort virkja þau eða leggja þau niður. Í byrjun árs 2019 voru Píratar með 17 aðildarfélög auk aðalfélagsins og ráku samtals 14 kennitölur. Þar af voru 7 félög óvirk skv. eigin lögum:

- Píratar á Austurlandi
- Píratar á Norðausturlandi
- Píratar á Vestfjörðum
- Píratar á Vesturlandi
- Píratar í Hafnarfirði
- Píratar í Mosfellsbæ
- Píratar í Suðvesturkjördæmi

Norðausturkjördæmi - PíNA

Undirbúningsnefnd að endurvakningu félaga í Norðausturkjördæmi hóf störf í febrúar 2020 og hana skipuðu Bjarki Hilmarsson (PáNA), Júlíus Blómkvist Friðriksson (PáNA) og Sævar Þór Halldórsson (PírAust).

Boðað var til blandaðs aðalfundar PáNA og PírAust og svo stofnfundar PíNA þann 28. mars:

“Er þetta gert vegna þess að félagið hefur verið í dvala að undanfögnu og að lög Pírata gera ráð fyrir kjördæmaráði eða kjördæmafélagi í hverju kjördæmi sem ber ábyrgð á framboði í því kjördæmi. Engin slík félög voru starfandi í byrjun síðasta árs en Píratar í Suðurlkjördæmi tóku af skarið með stofnun kjördæmafélags síðasta sumar og nú hefur verið stofnað kjördæmisfélag á Norðurlandi vestra.”

Vegna dræmrar mætingar var ákveðið að fresta fundi um tvær vikur og var framhaldsfundur 16. Apríl þar sem PáNA og PírAust var slitið og kjördæmafélagið Píratar í Norðausturkjördæmi stofnað. Ákveðið var að nýta kennitölu PáNA áfram og breyta nafninu og lögum félagsins í samræmi við samþykktir stofnfundar, sjá fundargerð >

<https://github.com/piratar/fundargerdir/blob/master/2020/P%C3%ADNA/Stofnfundur%202020/Fundarger%C3%B0ir.md>

Norðvesturkjördæmi - PíNK

Kjördæmafélagið Píratar í Norðvesturkjördæmi var stofnað 29. Feb 2020

Eftir samtöl við virka Pírata á svæðinu, lagði framkvæmdastjóri til að önnur aðilarfélög en kjördæmisfélagið PíNK yrðu lögð niður og þeim breytt í félagsdeildir. Markmiðið var að gera það einfaldara að stofna (og slíta) félagsdeildum, sem hafi sjálfstæða stefnumótun og umráð yfir eigin sjóðum, en þó rekið undir kennitölu kjördæmisfélagsins. Með þessu er ætlað að koma til móts við þörfina um sjálfstæða stefnumótun innan sveitarfélaga, án þess þó að íþyngja félögum með óþarfa stjórnsýsluumstangi. Einnig myndast við þetta ábyrgðarkeðja þar sem ábyrgð á umsjón félagatala, gagnaskilum til Pírata og hins opinbera og fylgni við lög varðandi persónuvernd o.fl. yrði í höndum kjördæmisfélags. Vonir standa til að þessi “dreifða miðstýring” muni færa vald og ábyrgð nær félagsfólki samhliða því að auka skilvirkni í starfinu.

Boðað var til undirbúningsfundar þann 25. maí 2020 - sjá fundargerð:

<https://github.com/piratar/fundargerdir/blob/master/2020/P%C3%ADNK/2020.05.25.NV-undirb%C3%BAningsfundur.md>

Þar sem lög PíNK gerðu ekki ráð fyrir félagsdeildum var ráðist í lagabreytingar að fyrirmynd Pírata á Vesturlandi. Félagsfundur um lagabreytingarnar var haldinn 18. Ágúst og voru þær samþykktar í kosningakerfinu þann 3. Sept.

Í kjölfarið var boðað til sameiginlegra aðalfunda félaganna þann 12. sept 2020 þar sem þeim var formlega slitið, sjá fundargerð:

<https://github.com/piratar/fundargerdir/blob/master/2020/P%C3%ADNK/2020.09.12%20A%C3%B0alfundur%20P%C3%ADrata%20%C3%A1%20Vesturlandi%20og%20P%C3%ADrata%20%C3%A1%20Vestfir%C3%B6r%C3%B0um%20-%20slit.md>

Suðvesturkjördæmi - PíSuV

Eftir samtöl við stjórnarmeðlimi svæðisbundinna aðildarfélaga á reglulegum samráðsfundum, lagði framkvæmdastjóri til að kjördæmisfélagið Píratar í Suðvesturkjördæmi yrði endurvakið, en önnur óvirk aðildarfélög yrðu lögð niður og þeim breytt í félagsdeildir.

Boðað var til undirbúningsfundar þann 18. maí 2020 - sjá fundargerð:

<https://github.com/piratar/fundargerdir/blob/master/2020/P%C3%ADSV/2020.05.18.SV.undirb%C3%BAningsfundur.md>

Í kjölfar þess fundar var boðað til sameiginlegra aðalfunda félaganna sem átti að slíta þann 20. júní 2020 og aðalfund Pírata í Suðvesturkjördæmi þann 21. júní 2020 - sjá fundargerðir:

<https://github.com/piratar/fundargerdir/blob/master/2020/P%C3%ADSV/A%C3%B0alfundur%20%C3%B3virkra%20a%C3%B0ildarf%C3%A9laga%20P%C3%ADrata%20%C3%AD%20Su%C3%B0vesturkj%C3%B6rd%C3%A6mi.md>

<https://github.com/piratar/fundargerdir/blob/master/2020/P%C3%ADSV/A%C3%B0alfundur%20P%C3%ADrata%20%C3%AD%20Su%C3%B0vesturkj%C3%B6rd%C3%A6mi.md>

Aðalfundur Pírata í Suðvesturkjördæmi samþykkti að leggja niður lög félagsins í heild og taka upp ný lög sem voru fengin frá Pírötum í Norðvesturkjördæmi. Farið var yfir drög að nýjum lögum lið fyrir lið og gerðar minniháttar breytingar. Eftir breytingar var kosið um lögin í heild og þau samþykkt einróma. Lagabreytingin var sett inn í kosningakerfið án kosninga (sérstakur ferill: samþykkt á samkomu) og á GitHub svæði Pírata til skjölunar.

<https://x.piratar.is/polity/219/issue/433/>

Ósvæðisbundin

Ungir Píratar

Ungir Píratar héldu aðalfund árið 2019 þar sem ný stjórn var kjörin. Félagið telst starfandi skv. lögum Pírata en skráning aðildarfélagsins hefur ekki verið uppfærð hjá Ríkisskattstjóra frá stofnun þess árið 2015. Lagt er til að á næsta aðalfundi Ungra Pírata verði lögð fram tillaga um að leggja kennitölu félagsins niður og breyta félaginu í félagsdeild Pírata, líkt og gildir um Femínistafélag Pírata og Sjálfbærnfélag Pírata. Þannig sparast tími og umstang í ytri stjórnsýslu sem gefur enn meiri tíma í róttæk ungliðastjórnsmál.

Sjálfbærnfélag Pírata

Sjálfbærnfélag Pírata var stofnað árið 2018 á formlegum stofnfundi. Félagið hefur ekki haldið aðalfund síðan en hefur þó verið virkt. Félagið hefur ekki sótt um formlega aðild að Pírötum en mun gera það eftir aðalfund sem stendur til að halda á haustmánuðum 2020.

Aðildarfélög Pírata 2020

Píratar hafa nú virk kjördæmafélög í hverju kjördæmi og öllum óvirkum félögum hefur verið slitið.

Ósvæðisbundin

4612120690 Píratar

5709130930 Ungir Píratar

Án kennitölu Sjálfbærnfélag Pírata

Án kennitölu Femínistafélag Pírata

Kjördæmafélög

4404132500 Píratar í Norðausturkjördæmi

4406201910 Píratar í Norðvesturkjördæmi

5103161340 Píratar í Suðvesturkjördæmi

6609190150 Píratar í Suðurkjördæmi

5501140620 Píratar í Reykjavík

Svæðisbundin aðildarfélög

7005161560 Píratar á Suðurlandi

4403141120 Píratar í Reykjanesbæ

6403141170 Píratar í Kópavogi

Öryggismál og skjölun

Persónuvernd - future404

Líkt og kom fram á síðasta aðalfundi þá var hafið það verk að innleiða persónuverndarstefnu innan Pírata vegna laga 90/2018 um Persónuvernd. Unnið hefur verið að því að innleiða fjölmarga verkferla í samræmi við þá stefnu sem hefur verið tileinkuð. Það sem gert hefur verið er m.a. Innri öryggisstefna, stefna um félagatal og meðhöndlun upplýsinga úr félagatali, atburðaskráningar og gagnastaðir, meðför gagna um starfsfólk, skilmálar vegna tækjanotkunar, uppfærslur á trúnaðar yfirlýsingum og margt margt fleira. Vert er að taka fram að vinna er enn í gangi um stefnu sem fjallar um meðferð gagna úr tölvupósthólfum okkar en sú vinna er langt komin.

Nextcloud - Rafræn skrifstofa Pírata

Fallið var frá þeirri ákvörðun að setja upp ISO vottað skjalavörslukerfi frá Hugvit og þar með var hægt að spara fjármuni til annarra verkefna. Ákveðið var að nýta frekar frjálsa hugbúnaðinn Nextcloud. Unnið verður frekar að því að skipuleggja þann skjalavörslustað í samræmi við reglur um skjalavörslu og persónuverndarstefnu Pírata.

Þar með er kominn miðlægur staður þar sem skjöl ráða og vinnuhópa geymist fyrir næstu ábyrgðaraðila sem taka við.

Einnig var sett upp viðbót (OnlyOffice) sem gerir mögulegt sem dæmi að læsa skjöl á ákveðnum svæðum sem geyma viðkvæmar upplýsingar þannig að það þurfi að vinna í skjölum innan kerfis í stað þess að notendur afriti skjöl yfir til sín.

Hægt verður einnig að vista breytingarsögu skjala o.fl.

Hafin er vinna við skilgreiningu svæða fyrir hópa og viðeigandi reglur eftir eðli gagna.

Heimasíða Pírata

2018-2019 var hafið mjög metnaðarfullt verkefni að gera mjög tæknilega fullkomna vefsíðu með nýjustu tækni. Mikið var lagt í hönnun og forritunar vinnu en þegar verkefnið var komið fram úr áætlun var ákveðið að staldra við og endurmeta þörfina.

Ákveðið var að hópur sjálfboðaliða sem vilja vinna halda áfram með þessa tæknilegu útfærslu sem verið var að vinna með, haldi þeirri vinnu áfram. Marmiðið væri að gera það að innri kerfi fyrir virka félaga en að fremri vefur í fréttu formi yrði kláráður í Wordpress.

Fenginn var verktaki til að aðstoða starfsfólk við að gera fremri hefðbundna WordPress fréttu síðu sem yrði klár helst fyrir aðalfund. Ákveði var föst upphæð fyrir það verkefni og að endurunnið yrði sú hönnunarvinna sem búið var að leggja í.

Alþjóðastarf

Fimmti Aðalfundur PPEU Evrópupírata var haldinn á Ítalíu og það varð sögulegt þegar þrír íslenskir Píratar voru kosnir í stjórn.

Oktavía Hrund Jónsdóttir, varaþingkona Pírata á Íslandi, var kosin vara-formaður Pírata í Evrópu (PPEU) og þær Katla Hólm Þórhildardóttir, varaþingkona Pírata á Íslandi og Gamithra Marga, alþjóðafulltrúi Pírata á Íslandi voru kosnar í stjórn Pírata í Evrópu. Mikuláš Peksa, núverandi þingmaður Pírata á Evrópupinginu, var kosinn formaður Pírata í Evrópu. Markétka Gregorová, Evrópupingmaður tékkneskra Pírata tekur sæti vara-formanns ásamt Oktavíu Hrund Jónsdóttur. Ítalskir Píratar komust í fyrsta sinn í stjórn ráðsins með kjöri Alessandro Ciofini sem gjaldkera.

Fyrsti fundur Norrænna Pírata var haldinn á fjarfundi þar sem sameiginlegur samskiptavettvangur var stofnaður í opnu hugbúnaðarkerfi “Mattermost”. Þetta var gert til að efla samstarf Píratahreyfinganna á Norðurlöndum - það verður spennandi að fylgjast með þróuninni á samstarfinu næstu árin.

Óleyst mál

Trúnaðarráð

Eftir viðburðarík ár á undan tókst ekki að skipa í trúnaðarráð eftir aðalfund 2019. Framkvæmdaráð auglýsti eftir tilnefningum 23. september 2019 með 10 daga tímaramma. Það barst einungis ein tilnefning og 8. október 2019 ákvað framkvæmdaráð að hringja í líklega aðila og spyrja hvort þeir væru tilbúnir til að sitja í trúnaðarráði án árangurs. Í febrúar 2020 var ákveðið að skoða þá þjónustu sem Siðferðisgáttin veitir en vegna kostnaðar og skipulags- og lagabreytinga var ákveðið að leggja það fyrir aðalfund 2020 að ákveða framtíð trúnaðarráðs.

Pírataspjallið

Veturinn 2019-20 voru haldnir opnir samráðsfundir um framtíð Pírataspjallsins. Jón Þór Ólafsson sem er núverandi stjórnandi (admin) spjallsins fór tam. yfir reglur spjallsins og tildrög þeirra. Oktavía Hrund Jónsdóttir formaður femínistafélags Pírata tjáði upplifun kvenna og kynsegin fólks á umræðum á spjallinu og hvernig þeim líður eins og umræðan þar og samskiptamáti bjóði ekki upp á þáttöku þeirra og málefnalegt samtal. Elsa Kristjánsdóttir framkvæmdastýra tjáði skoðun starfsmanna Pírata á spjallinu. Rætt var hvernig ferlið er á kvörtunum, úrvinnslutíma og boðleiðum og hversu mikil vinna og tími fari í að stýra spjallinu sem admin og moderator og ákveðið var að lokum að starfsfólk Pírata ætti að sinna admin hlutverki á spjallinu og að ábyrgð þess ætti að liggja hjá framkvæmdastjóra. Ákveðið var að leita til aðildarfélaga og biðja um einn moderator frá hverju aðildarfélagi, en einungis eitt félag bauð fram moderator.

Það var ljóst að mörgum þótti Pírataspjallið komið úr böndunum og ekki endurspegla menningu og áherslur Pírata. Nettröll fá þar útrás fyrir hatursorðræðu og skemma málefnalegar umræður.

Starfandi framkvæmdaráð ákvað að leggja framtíð Pírataspjallsins í hendur framkvæmdastjórnar 2020-2021.

Fjárhagur félagsins

Fjármögnun aðildarfélaga og styrkir

Framkvæmdastjóri kynnti drög að fjárhagsáætlun í febrúar 2020 og umræður voru í framhaldi. Drögin miða að því að vera skuldlaus í lok árs. Það var samþykkt einróma að framkvæmdastjóri hafi heimild til að veita allt að 1,5 milljón til kjördæmafélaga.

Verið er að leita að tæknilegri lausn á því að staðbundin félagsgjöld renni beint til kjördæmafélaga.

Annað

Gallup

21. apríl 2020: Stefnumálakönnun fyrir kosningar

Eitt af því sem Framkvæmdarráð gerði nú í sumar 2020 var að fjárfesta í skoðanakönnun á vegum Gallups. Unnið var að spurningabanka með kjördæmafélögum, þingflokki og starfsfólki. Niðurstöður úr þeirri könnun er nú nýlega komin til okkar og mun vinnsla úr henni eiga sér stað fyrir aðalfund svo hægt sé að gefa grasrót innsýn í niðurstöður hennar en einnig mun Framkvæmdarstjóri útvega aðganga svo hægt sé að nýta upplýsingarnar frekar fyrir komandi þingkosningar.

Covid-19

Tæknimál

Póstkerfi

Hafin var nauðsynleg uppfærsla á Zimbra póstkerfi sem Píratar nota. Kostir Zimbra er að það er frjálst hugbúnaður sem þýðir að við erum ekki bundin leyfisgjöldum í ákvörðunartöku um tölvupósthólf fyrir félaga, ráð og aðildarfélög. En að keyra eigin kerfi þýðir samt að sinna þarf viðhaldi og uppfærslum. Kominn var tími að taka hopp yfir í nýjustu útgáfu af Zimbra og Linux stýrikerfi þó öryggis uppfærslur hafi að sjálfsögðu verið keyrðar reglulega.

Fjarfundarkerfi

Haldið var áfram með aðlögun og uppfærslu á jit.si kerfi sem hafði verið sett upp fyrir síðasta aðalfund.

Var fenginn öflugri hýsing undir kerfið á Íslandi í stað erlendra þjóna og útlit o.fl. aðlagað að þörfum Pírata.

Nokkuð fékk að reyna á kerfið í Covid og hefur það reynst okkur vel að vera með kerfi undir okkar stjórn og hýst á Íslandi.

Athuga með að samkeyra félagatal við þjóðskrá

Formatting á póstlista/félagatal

Lokaorð

Spennandi breytingar eru framundan, en núverandi Framkvæmdarráð mun vera það síðasta sem situr með núverandi skipulagi Pírata. Hefur verið góður samstarfsandi og ótrúlega gefandi og lærdómsríkt að hafa fengið að starfa með svo góðu fólki. Verkefnin hafa oft verið krefjandi en alltaf ljóst að hver einn og einasti meðlimur hefur tæklað þau með það að markmiði að gera sitt besta fyrir Pírata. Eins og við vitum þá hefur árið 2020 verið mjög sérstakt fyrir okkur öll, en þrátt fyrir heimsfaraldur covid-19 þá heldur pólitíkin áfram og halda þarf starfi Pírata gangandi. Eins og sést í efni skýrslunnar þá hefur Framkvæmdarráð gert sitt allra besta til að halda tækla verkefnin þrátt fyrir erfiðar kringumstæður. Verkefni sem hvíla á herðum framkvæmdaráðs eru mörg, umfangsmikil og oft bæðierfið og tímafrek. Hver og einn aðili í framkvæmdaráði ber ábyrgð á stjórn og rekstri félagsins í heild sinni og sú ábyrgð er mikil á herðum sjálfboðaliða. Sérstaklega var erfitt tímabilið þegar Píratar voru ekki með starfandi framkvæmdarstjóra en við megum til með að hrósa honum Róberti okkar Douglas fyrir að stíga inn í erfiðar kringumstæður og grípa þá bolta sem þurfti.

Helsta stefnan var að halda áfram því góðu starfi sem við tókum við. Unnið var áfram að því að valdefla kjördæmafélögin með auknu fjármagni og aðstoð við lagabreytingar. Séð var til þess að sú vinna sem grasrótin hafði kallað eftir um kerfisbreytingar yrði haldið áfram og sjáum við afraksturinn af þeirri vinnu nú þegar kosið verður í ný ráð og nefndir á þessum aðalfundi. Eitt af því sem við erum sérstaklega ánægð með er að kominn er til starfa hjá okkur framkvæmdarstjóri sem hefur sýnt og sannað hversu verðmæt hún er okkur með elju sinni og staðfestu. Mikil vinna hefur farið í það að endurskipuleggja innra starf Pírata með nýjum stefnum og verkferlum sem eiga að gera starf okkar skilvirkara og gagnsærra.

Þrátt fyrir mikla vinnu þá höfum við ekki náð að halda starfandi Trúnaðarráð, og er það miður en fráfarandi Framkvæmdarráð telur að það sé þörf á lagabreytingu til að hnekkja á þessu ferli. Það hafa verið mjög sterkar skoðanir á Pírataspjallinu og brýnt er að ákveða hvort það eigi að halda því gangandi, loka því eða breyta virkni þess. Aðildarfélagin þurfa að koma að þeirra ákvarðanatöku og framkvæmd. Huga þarf einnig að því hvernig fjármögnum kjördæmafélaga eigi að vera en þær tillögur sem settar voru fram í vor voru felldar. Ljóst er að ef kjördæmafélögin eigi að vera sjálfstæð þá þarf að huga frekar að því hvernig fjármögnunin eigi að skiptast og er það von okkar að aftur verði sett fram tillaga um fjármál.

Núverandi Framkvæmdarráð hefur mikla trú á komandi skipulagi því raunin er sú að núverandi kerfi er ekki að virka sem skildi. Sú vinna sem leggst á sjálfboðaliða Framkvæmdarráðs er of mikil í núverandi skipulagi. Við teljum að nýja skipulagið muni vera Pírötum til góða og óskum við komandi ráðum velfarnaðar í vinnu sinni og við höfum fulla trú á því að vel muni ganga á komandi kosningarári.

Framkvæmdarráð Pírata